

## Transkription von Stadtbucheintrag HWI 1326a

Ort, Datierung: Wismar, 1326-??-??

Signatur: Stadtarchiv Wismar, Privilegienbuch 1326

Inhalt: Marquard und Hinrik Barnekowe: Quittung für den Heiligengeisthof zu Wismar

---

Wi Marquard vnde her Hinrik riddere van bar=/nekowe , bekennen vnde thÿghen in dessem breue /  
dat wi redeliken , vnde mit gudeme willen vorkoft / hebben , vnde ghelaten , deme hillighen gheiste  
tho d(er) / wiser , vnde den vormÿnden des seluen huses , de / stouwinge wo ho se willen vppe dat  
velt tho ka=/rowe , De selue stouwinge , is ok weder leghet den / Buren tho karowe , mit ackere van  
des seluen hil=/lighen gheistes houe tho der Steinnen , dar hebbet / ok de vormÿndere des hillighen  
gheistes vif vnde / twintich mark lÿbeker penninge vore gheghe=/uen , de al rede sint beret vnd al  
vorgulden vnde / were dat sake dat genich man weliker achte / he si de vppe de Stouwinge spreken eder  
icht vor=/deren eder saken wolde , dat scole wi , eder vse erf=/namen vntweren vnde vrigen Tÿghe de  
ouer / dessen dingen ghewesen sint , dat isz her rötcher / perrere tho sÿnte Nicolawese tho der  
wismere / Diderik klawe , klawes van helpede , Hinrik / vses herren scribere van mekelenborch vnde //  
vele anderer bederuer lÿde dat desse deghe / dinge ganz vnde al vast vnde stede bliuen / tho ewigher  
thijt des hebbe wi her marq(ua)rt vnde her hinrik van barnekowe vse Inghe=/seghele vor dessen bref  
ghehenget , dat is ghe=/schen tho dem sterrenberghe na Godes bort dusent Iar drehundert Iar ses vnde  
twintich Iar des dinsthe daghes vor mit vasten